

جمعیت علمیة اسلامیة نك ناشر افکاریدر

صاحب امتیاز:

فتح مجیز در سعاملرندن

استانبول مبعوثی

مصطفی عاصم

سر محرر:

فتح مجیز در سعاملرندن

توقاد مبعوثی

مصطفی صبری

مدیر مسئول:

مکتب قضاة معلملرندن

کلیسلی منیر

مندرجات

مولود سعادت	سعود الموی	ادب تحریره دائره	محمد فیکری
افتراده بو قدو اولور	م . صفت	نعت شریف	
تربیه اطفال	محمد عاطف	متفرقه	
اسلامیت و علوم و فنون	عمر نصوحی	ترکستان اغانه سی	
		تحلیل آیات	ایشه کولدن

نسخه سی ۱ غروشددر

آبونه اجرتی (پوسته اجرتیله برابر در)

استانبول وولایات ایچون :	مالک اجنبیه ایچون :
برسنه لکی ۵۰ غروش	۱۳,۰۰ فرائق
القی آیلغی ۲۵ »	۶,۵۰ »

درج اولغیان اوراق اعاده ایدلر

قارئلرمنزه

اکثره قالاته آیات کریمه واحادیث نبویه درج ایدلش بولندیغی نظراعتبارده آله رقی رعایتسز لکده بولناما سی رجا اولور .

در سعادت

شرکت طبعیه مطبعه سنده طبع اولغشددر



(تربیۂ اطفال)

اجلہء علماء اسلامیہ دن (امام غزالی) حضرت تلمیذی (احیاء العلوم) نام کتابت عالیہ دیورک: نظر شریعتہ تربیۂ اطفال اہم امور دندہ، چونکہ اولاد ابوینی عنندہ طرف سبحانیدن امانت وودیعہ در . ایلمک فطرتہ قلبی ہر شیدن ظاہر و ہر نقش صورتندن عاری و سادہ ہر جوہر نفیسہ درکہ خیر و شر دن ہر نوع شکک و صورتی قبول و ہر درلو لون ایلمہ تلونہ مستعد و مائلدر . بنی ذیشان افندمن بیور مشلدر درکہ: (کل و لود یولد علی الفطرۃ و انما ابواہ یہودانہ او نصرانہ او یمجسانہ) = ہر چو جق دینی جایل سلامی قبولہ متی بر جبلیت سایمہ اوزرہ تولدایدہ . انجیق ابوینی یہودی تربیہ سی ویرہ رک یہودی ، نصرانی تربیہ سی القا ایدرک نصرانی مجوسی تربیہ سی ایقاع ایدہ . رکدہ مجوسی یاپار (بناء علیہ ابوینی خیری معتاد ایتدیرر وامور خیریہ بی تعلیم و تربیہ ایلرسہ چو جق خیر و صلاح اوزرہ نشأت ایلوب دنیا و آخرتہ سعادت عظمایہ نائل اولور . چو جق اخذ ایلش اولدینی معلومات صحیحہ ، تربیۂ کاملہ مقابلندہ مناب و مأجور اولہ جنی کی ابوینی ، معلم و مربی سی دخی او ثواندہ چو جقہ مشارک اولورلر . ابوینی تربیہ سندہ قصور ایدر و باشی بوش حیوانلر کی صلیورہ رک شرو فسق و سفاہتی اعتیاد ایتدیررسہ بالضرورہ چو جق شسقوت و فسق و سفاهت اوزرہ نشأت ایلوب ہم دنیا و ہم آخرتہ دوچار ہسلاک اولور چو جق اعتیاد ایدمنش اولدینی تربیہ سزک و اخلاق سزلفک وزر و کناہی ابوینی وطریق شرہ مشوقلرینہ عائد اولور . ایشتہ بونک ایچون - ورہ تحریمدہ (یا ایہا الذین آمنوا قوا انفسکم و اہلیکم نارا) بیورلمشدر . و جناب بیغمہر ذیشان افندمن بیور مشلدر درکہ (یا ایہا الناس قوا انفسکم

بیوک معایبدن اولدینی بیلن بر قوم در . آنلرک آلدن کلسہ کلسہ خیر کلیر . شرنہ در آنلر بیلر لرقط ایشامک ایچون اللہی واللہ قورقوسنی دوشونورلر . شرہ آلت اولمق دکل یانندن کچمز لر . آنلری آرایانلر یا جامعہ عبادت ایلمہ یا درس خانہ تدرس ایلمہ یا اوطہ سندہ فقیرانہ کندی در دیلمہ مشغول بولورلر بر قباحتری واریسہ اودہ حقندن آیرلمز لر ، عبادت لرینہ مواظبت ، دیانتلرینہ ملازمت ایلمہ دین و اخلاق دشمنلرینی سومز لر حتی معارضلرینک آنلری بر عجز محقق ایچندہ کورملری آنلردہ اوصاف شیطنت و ملامت بولہ مدقلر ندندر . ایشتہ بونندر کہ آنلر ہر بلیمہ قارشی طوتیلیر ، ہر صائبہ ہدف یاپیلور ایدی . دوشوناسونکہ، انصاف ایلمہ دوشوناسونکہ: شو و امثالی اسنادات ، مفتریات مملکت مزدہ بونلردن بشقہ بر صنف مخصوصہ اسناد ایدلسہ ایدی عجبانہ قیامت لر قویاریلیر . ونہ قدر ردیلر یازیلیر ایدی . حالبوکہ : زوالیلر بیونلرینی اکوب والی اللہ المشتکی دیمہی مملکتک منفعتنہ دہاماسب بولیورلر یوقسہ عجزلرندن و یا خود قباحتی اولملرندن دکلدر .

بوکی مفسد لر ادین اولسونلر کہ آنلر بو اوصاف حمیدہ بی حائز بولنسد قبحہ انلرک پاک ناصیلرینی کسہ کیرلہ تہمز . آنلر حقیقی مسلمانلرک قرۃ لعینی بولند قبحہ آنلردن مسلمانلری کسہ صغودہ مز . ہیچ برکسہ ایدہ آنلردہ بوکی مفسدتی تصور ایدہ مز .

زوالیلر ؟ نہ قدر دشمنلری وار ایمش ! نہ قدر دشمن قز نمش لر ! . .

ارمنا کلی

م . صفوت



واهلکم نارا وعلوم وادبوم فتم عندکم عوان وامانة
= ای ناس معاصی نی ترک ، خیرات و طاعاتی ایشلمکده
نفسکیزی شرور و معاصیدن نهی و خیراتی امرا ایتکده
اهل و اولادیکیزی نار جیمدن حفظ و وقایه ایدیکیز ، اهل
و اولادیکیز دین و دنیایه عائد علوم نافعہ نی تعلیم و کوزل
صورتده تربیه ایدیکیز . چونکه انلر سزک عندیکیزده
عوان و امانتدر .

وصحابة کرامدن ابی سلیمان (یار-ول الله للولد علینا
حق حکمتنا علیهم = یارسول الله بزم اولاد اوزرنده حتمز
اولدینی کبی انلرکده بزم اوزرمزده حقلری وار میدر)
دیه س-وأل ایلدییکی زمان جناب پیغمبر ذیشان افندمن
بیورمشلردرکه : (نعم حق الولد علی الوالد ان یعلمه
لکتابه والسباحة والرمی وان یؤدبه = اوت اولادک
ابونی اوزرنده حق واردر چوجنک ابونی اوزرنده که
حق یازی یازمق ، صوده یوزمک ، اوق و تفنک آتمق تعلیم
ایدلک و کوزل صورتده قادیب و تربیه ایتکدر) .

(و و علموا اولادکم السباحة والرمی والمرأة المفزل =
ای ناس اولادیکیز صوده یوزمک ، اوق و تفنک آتمق
تعلیم ایدیکیز ، قادیلریکیز و قیز اولادیکیز دخی ایپ
وایپلک اکریمک اوکرنیکیز) .

ایمدی ابونی چوجنی دنیا و آخرتده ضلالت
و هلاکده واقع اولمقدن صیانت ایدوب هرجهندن سعادت
احوالی تأمیننه چالشمق لازمدر بونک طریق چوجنی
تأدیب ، اخلاق ردیه دن تهذیب و تطهیر ، فضائل اخلاقیه
مزایای انسانیه نی تعلیم ایتلی .

فنا کیمه لر ایله اختلاطدن ، تنعمی اعتیاددن ، زینت
واسباب سفاهته میل و محبتدن بجانب ایتدیرملی . چونکه
بوشیلره آلیشیرسه بویودیکی زمان فضائل و کمالات انسا-
نیه دن اولیان هوایی شیلری طاب اوغرند عمرنی اضاعه
ایده رک دنیا و آخرتده دوچار هلاک اولور .

شو حالده ابونی دوغدینی زماندن اعتباراً

چوجنک تربیه سنه صوک درجه اعتنا و اهتمام ایتک
و هر حال و شائنی دائماً مراقبهده بولندیرمق لازمدر .
بوبابده اولاً سود نینه سندن باشلاملی . چوجنی صالح ،
متدین ، حلال لقمه اکل ایلیان بر قادیسندن امزرتلی .
اخلاقسز ، حیاسز ، فاجر ، فاسق ، وسفیه اولان و احترام
لقمه اکل ایلیان قادیسلردن زهار ارضاع ایتاملیدر .
چونکی چوجنک نشو و نما سی طایع سفلیه اربابندن
اولان قادیسلرک - سودندن حاصل اولنجه طبیعتی خبیث
و مردار سودن یوغرولور ، طبیعتی ائمش اولدینی سودده ،
سود نینهده متمرکز اولان خبائث طبیعیه ، اخلاف ردیه
میل ایلوب هر نوع شر و فسق و سفاهته مستعد اوله رق
نشأت ایدر ، ایشته زمانتزدده اکثر ناسک شیرر ، فاسق
وسفیه اولمسنک باشلیجه منشأ و سببی بودر .

چوجق سن تمیزه واصل اولنجه ابونی آنک حال
و شائنی ده از یاده مراقبهده بولندیرملی . بوبابده اولاً —
یمکه عائد تربیه سندن باشلاملی یزیمک خصوصنده تربیه
شو وجهله ویرملی : یمکدن اول و صکره اللری یبقامق
یمکه باشلارکن (بسم الله الرحمن الرحیم) دیمک . لقمه نی
صاغ ایله آتمق ، قابک کنیدیسنی ولی ایلیان طرفندن یمک .
بیوکلردن اول یمکه باشلامه مق ، آج کوزلی کبی یمکه شدتله
نظر ایتمه مک ، کنیدیسیله ینلرک لقمه سنه دقت ایتمه مک ،
یمکده سرعت کوسترمه مک ، لقمه لری توالی ایتدیرمه مک
لقمه نی چیکینه یوب دیری دیری یوتما مق ، چوق یمکه
آلشدیرمه مق ، و چوق یمک مضر سندن بحث ایتمه که برابر
ینلری ذم و تعییب وانلری بهائمه تشبیه ایلک ، آزی یمک
قواندندن بحث ایتمه که برابر آزیینلری مدح و ثنا ایلک .
ثانیاً — عطالتله آلسما مق ایچون ریاضت بدنیه نی
و بعض کونلر مشی و حرکتی اعتیاد ایتدیرملی .

ثالثاً — بر مجلسده اوتورمه دایر تربیه اوکرتملی :
مجلسده بولنان کیمسه لره آرقه سنی چویرمکدن ، آیاقلر نی
اوزاتمقدن ، بری بری اوزینه قویمقدن ؛ بر کیمسه نک

ابوینی ، سرپسی آندن تغافلده بولملی ، کشف و اظهاره
قالقشماملی چونکه قباحتی اظهار ایدیله جک اولورسه
چو جفک فناغه جسمارتی آرتار بوندن بویله ایشامش
اولدینق فالانک کشف و اظهار اولمسنه اهمیت ویرمز ،
مبالات کوسترمز . فقط بر فعل قبیحی ایکنجی دفعه
اوله رقی ایشلیه جک اولورسه آنی کیزلیجه تکدیر و بر
دها ایشله مکدن شدتله منع و تهدید ایتلی .

بدری چو جق اوزرنده سوزینک تأثیرینی محافظه
ایتلی . هر زمان چو جق عتاب ایدوب دورماملی زیر
چوق سوز ایشید: ایشیده عارسز اولوب سوزدن متأثر
اولماغه باشلار .

والدهسی آیدرندن قورقوتملی ، قباحدن منع و زجر
ایتلی .

نامنا — ابوینتک مالک اولدینق بر شیلله یاخود
کیدیک البسه، یدیک یلک و یا باشقه برشی ایله اقراندن
برینه افیخار ایتمکدن منع ایتلی . و کورشمش اولدینق
شخصه تواضع ، احترام ، تاطیف ، التفات ایتکی و کوزل
— سوزلی ، و طاتلی دیللی اولمقغی اعتیاد ایتدیرملی .
بیوک و کوچک کیسه دن برشی المقدن منع ایتکله برابر
رفت ، و شرافت آلامده دکل ، اعطا و احسان ایتکده
اولدینق . آلمق خست و دنائت اولدینق تعلیم اولملی .
برده چو جق ناز و نعم و رفاهه آلدیرلاملی ، آتون
و کوشه و محبت ویرلاملی .

ناما — پدر و والده سنه حرمت و اطاعت . معلم
و سرپسنه ؛ کرک قریب و کرک اجنبی اولسون کئندندن
بیوکاره تعظیم و تکریم و کئندندن کوجکاره مرحمت
و شفقت ایتکی اعتیاد ایتدیرملی .

عاشرا — کرک یلان و کرک طوغری اولسون
مطلقاً یمین ایتمکدن ، فائده سز . معائن سز -وز سویلمکدن
فحشیات ، کفریات ، لعن و سب و شتمدن ، حرام اولان
اویونلر و چالقیلردن منع ایتلی . عارسز و حیاسز

یاندیه توسمور مکدن ، سومکور مکدن ، بورینی آیتلامق
و چکمکدن . آق سمرمقدن ، آغزینی آچه آچه ایسنه مکدن
منع ایتلی کئندندن بیو کینه قیام ایتک ، یرکوسترمک . بری
سوز سویلرکن حسن صورتله استماع ایدوب سوزینی
کسمه مک ، و چوق سوز سویله مه مک شعائر و آداب
انسانیه دن اولدینق تعلیم اولملی .

رابعا — چو جق ای بی فنادن — چمکه باشلاخه
مکته بیه کوندرملی . اول امرده تربیه دینه ویرملی .
پیغمبران عظام حضرانک سیروشمائی ، کبرا و صلحاء
امتک احوال و مناقبی اوکر نملی . قرآن کریم و احکام اصول
و فروع دینه تعلیم ایدلملی که ایلک نشو و نما حالنده ایکن
قلیده دین جلیل اسلام انتقاش و ارتسام و نفسنده انبیا
و صلحایه میل و محبت انفراس ایتش اولسون .

خامسا — کئندیلرینی ظریف و نازک زعم ایلدکاری
حالده اصلا تربیه دینه لر بولمیان و فسق فجور ایله
مألوف اولان ادبا و ظرفا طاقی ایله کورشمکدن و عشق
و سودای ، ذم و قدحی متضمن اولان اشعار
او قومقده حفظ و صیانت ایتلی که ایلک نشو و نما حالنده
ایکن او تمیز و صاف قلبنده فسق و سفاهت و اخلاق مزلق
تخوملری صاحبوب دیکلمش اولسون .

سادسا — مکتب یورغونلغی چیتوب ذهنی استراحت
ایتک ایچون مکتبدن کلدیکی زمان شرعا حرام اولمیان
اویون اوینامق اوزره اذن ویرملی فقط اویونده یورو-
له جق درجه ده اشتغال ایتدیرلاملی . چو جق دایما
تعلیم ایله اشتغال ایتدیرمک پک مضر در . ذکاسنی ابطال
و قلبنی مایه ایدر .

سادسا — چو جقندن بر خلق جیل و فعل مدوح
ظهور ایلدیکی صورتده اکا اکرام ایتلی ، فرح و سرو-
رینی ایجاب ایدیه جک مکافانده بولملی ، ناس ارمه سنده
مدح و ثنا ایتلی .

چو جقندن اخیا نا خلاف ادب برشی ظهور ایدرسه

اولدرمیوبده چوجق بر عصیان ایشلیه جک اولورسه ابوینی او کناهنده چوجفه مشارک اولورلر .

ایشته اسلامجه تربیه اطفال امام مشارالیه حضرتلرینک بیان بیوردقلری وجهله اولور . چوجقلره بو صورتله تربیه ویریلورسه اکثریتله متدین، صلاح حال ایله متصف یتشه جکلرنده شبهه یوقدر ،

دین جلیل اسلام اهل اسلام بیننده فتنه ، فساد ، تفرقه ظهورینک منشائی اولان مبانیت اخلاقیه نك حصوله میدان ویرلمک ایچون تا ایلک نشو و نما دورلرندن عتباراً مکمل صورتده تربیه دینی ویریلرک اخلاقجه بر سه ویده نشأت ایتلری خصوصه صوگ درجه اهمیت ویرمش و بو بایده صورت مؤکدهده امرلر اصدار ایشدر . حال بوکله خلفای راشدین دورلرندن صکره بین الاسلام عمومی صورتده تربیه دینه ، فضائل اخلاقیه نك نشرینه لایقی وجهله اهتمام اولنمه مشدر . هله شو صوگ زمانلرده تربیه و اخلاق نقطه نظرندن

دین جلیل اسلامک امر ایلدیکی اصول و قواعد بوسبتون ترك اوله رق تا ایلک دورلرندن عتباراً فضائل اخلاقیه و تربیه دینه یرینه عادات رذیله و اخلاف ردیه نشو و نما بولور . بویوزدن چوجقلر همان ایلک دورلرندن عتباراً هر درلو فئالق ورزالته استعدادات پیدا ایدیورلر . اول اول امرده چوجقلره حلال سود امر بولور . سود ینهلر اکثریا اخلاقسز، تربیه سز ، حیاسز، فسق و فجورایله متصف قادیلردر . و با خصوص دیانت اسلامیه ایله متصف اولیان اجنبیه و غیر مسلم قادیلرندن انتخاب اولنیور . هله یوکک طبقه لردن عد اولنان عائله لرده چوجقلر غیر مسلم مربیه لر، جاهل و اخلاقسز لاله لر ایله تربیه اولنیور . صوگ درجه پوده پوهلر ایله شیاریق اوله رق کبرو غرور، کین و هوا، فسق و سفاهت اوزره یتشدیه یلیور . براز عقلی باشنه کلیر کلز، اخلاقسز لنگ اساسنی تشکیل پابن دوزمه

چوجقلر ، هذیانات ، فحشیات ، کفریات سويلک ، فسق و فجور و سفاهت ، لهویات و لعبیات ایشلمکله مألوف اولان کیمسالرله اختلاطدن شدتله منع ایتلی چونکه احوال سیئه . اخلاق ردیه سو، قریندن سرایت ایده جکی امر محققدر . خصوصیه خیر و شره مستعد بولندیفی ایلک نشو و نما دورنده چوجق اهل اولنوب فاسق ، فاجر ، حیاسز ، عارسز ، ناموسسز کیمسالر ایله اختلاط ایدر و آنلر ایله دوشر، قالفار بهمه حال آنلرک اخلاق ردیه . احوال ذمیمه سی سرایت ایدوب شریر ، فاسق ، فاجر ، سفیه ، حیاسز ، عارسز ، ناموسسز ، سارق ، حسود ، یالنجی ، قوغچی ، ذمام ، کفر باز اوله رق نشأت ایده جکده شبهه یوقدر . بناء علیه احوال مذمومه ، اخلاق ردیه دن تخلص آنجق سو، قریندن محافظه ایتک و مکمل صورتده تربیه دینه ویرلمک ایله تأمین اولنمیلور .

چوجقلره تربیه دینه ویرلمک خصوصه عارض اولنان احوال و احکامه صوگ درجده اعتنا و اهتمام لازم اولدینی کی (مروا اولادکم بالصلاة وهم ابناء سبع و اضر بهم علیها وهم ابناء عشر) حدیث عالییه اقتضاسیجه دخی چوجق یدی یاشنه واصل اولنجه طهارت ، صلات و مقتدر اوله بیه جکی هر درلو مأمورات شرعییه امر ایتک و اون یاشنه بالغ اولنجه احکام مذکوره یی ترك ایلی اوزره ضرب و رمضاندن بعض کونلر اوروج طومق اوزره امر ایلک و او یون چالنی، شرب خمر ، سرقت ، کذب و خیانت ، فسق و سفاهت کی منهای شرعیه نك عمومندن نهی ایتک و مخافة اللهی قابنه یرلشدیرمک ابوینی اوزرینه واجبدر . (شرعه - الاسلام) ده دیورکه : (چوجنگک ابوینی اوزرنده که حقوفی جمله سندن بریده حلال لقمه یدیرمک و حد بلوغه واصل اولدقدن صکره اولدیرمکدر . ابوینی

تعقیب ایدیور . کیمی اویونجی . چالغی تیاتروچی ، میخانہچی ، کرخانہچی عادات رزیلہ سنی اعتیاد ایدیور . کیمی ده اهل ضلالت و بدعت طرفلرندن اتحاد اسلام اساس مبعجله سنی پارچه لامق ایچون اسلاملر ارسنه یرلشدرلش اولان شیعلک ، بکداشیلک ، قیزباشلق ، ملاملک بدعت ضلالتلرندہ اصرار ایدیورلر .

کیمی دخی انکلیز ، فرانسز ، المان روس ، روم ، روما اقوامنک اخلاق قبیحه لرینی کمال افتخار ایله قبول و مالک اسلامیه ده نشرینه صوک درجه غیرت ایدیورلر .

اسلاملره عبرت اولق ایچون آوروپا مستشرقیندن برینک غایت مهم بر سوزنی بروجه آتی نقل ایدیورلر . انکلیزلیلرک بری دیمشدرکه : (شرقک اخلاقیاتده ، عادات و معاشراده کی مدنی غایت کوزل و غایت نازکدر . ای شرقیلر! بو مدنی تیکزی حقیر کورمیکز ، ترک و اهاک ایتیمکز . آوروپانک او خشین مدنی سزک نازک و کوزل مدنی تیکزی محو اتمک عزمنده در بوکا قارش جملہ کز

یکوچود اتفاق اوله رق مدنی تیکزی محافظه ایچون مجاهده ایدیکز . آوروپا ایله تماسده بولان شرقیلر همه حال آوروپالیرک الک انی قاعده لرینی الک مستحسن عادتلرینی آلیورلر . میخانہ ، کرخانہ لرینی ، اویونلرینی ، مؤسسات سفیلہ لرینی کمال آرزو ایله دها اولیورلر . ایشته هندستان ، مصر ، تونس جزائر میدانده در . یوقسه

فنون صناعت کبی رنک ملیتدن عاری اولان و بتون انسانیتن تکاملات مادیہ سی ایچون وسائط استحصالیدن معدود بولان آلاتک جملہ سنی بلا پروا تلقی ایدہ بیلیرسکز . فقط هویت ملیہ کزی ضایع ایدہ جک حرکتده بولیمیکز

خلاصہ یالکز فرنگلرک اوزنیمیکز سز نه یاسه کز برانکلیز ، برفرانسز ، برلمان اوله مازسکز . یالکز آوروپا سطحی جه تقلید ایله اسلاملقدن چیقار ، مذذب بر معنویت غیر معینہ ایچندہ یاشارسکز ایشته بودہ سزک ایچون بیوک فلاکتندر) .

اسلاملر حقیقت نقطه نظرندن سوبلنمش بو کبی کلاملردن عبرت آلمق لازمکلورایکن واسفا که بصیرتلی

و ایدورمه مصال . مداحجیلق ، قره کوزجیلک ایله قلبی دولدیریلیور .

حدمیزه واصل اولنجه اخلاق ردیه ، عادات رزیلہ نک منشائی اولان عشق و سودایه دائر شعرلر ، رومانلر ، حکایلر اوقومق و چالغی ، اویون ، تیاترو محللرینه کیمک ، قاری وقیز اویناتمق اعتیاد ایتدیریلیور .

حد بلوغه واصل اولنجه راقی و شراب ایچمک ، میخانہ ، کرخانہ لره کیمک ، دامه و طاوله ، اسقانیل اوینامق کبی منہیاته آلتدیریلیور .

یوکسک طبقه در عائله منسوب ایسه تربیه اسلامیه نک اصلا قوقوسنی بیلہ کورمدیکی خالد فرنگ مرپیله ایله تربیه ، فننگ مکتبلرندہ تعلیم ، فننگ عادات و معاشراتی اعتیاد ایتدیریلیور .

ایشته بر طرفدن بو وجهله ایلمک دورہ لرندن اعتباراً عمومی ضررندہ چوجقلره تربیه دینه و ملیه اسلامیه لرینه مغایر استعدادات و یریلیور .

دیگر طرفدن جمعیت اسلامیه تشکیل ایلین عرب ترک ، کورت ، آرناوود ، لاز ، چرکس ، کورجی ، بوشناق ، تاتار ، عجم اقوامی آبا و اجدادلرندن نقل اولنکلن بر طاقم عادات جاهلانہ ، اخلاق قبیحه ، افکار باطلہ بی سوق اعتیادله ای ظن ایدرک کمال جدیدله اخلاقلرینه اوکرتیورلر .


بر طرفدن دخی شو صوک زمانلرده مدنیت و کمال زعم اولنسه رق آوروپا اقوامنک عادات رزیلہ ، اخلاق قبیحه سی اسلامک آرسنه یرلشدریلیور .

ایشته بونجه منابعدن اخلاق سزلق . تربیه سزک اسلامک بیننده غایت واسع مقیاسده کمال شدتله انتشار ایلدیکندن هان جملہ سی اخلاق دینه و تربیه ملیہ لرینه طبان طبانه ضد ، و اخلاق سزلقده دخی یکدیگرینه صوک درجه لرده مختلف اوله رق نشأت ایدیورلر . بونک ایچوندرکه کیمی وقت جهالتدن قاله تورک ، کورت ، عرب ، آرناوود ، چرکس ، لاز . تاتار ، عجم عادات قدیمه و اخلاق ذمیمه سنی

رزيله ، افعال و حرکات جاهلانه اوزره اصرار ايدوب
کيدرسکيز عاقبتکيز دها زياده وخيم و دها زياده برباد
اوله جغندن شبه ايتکيز .

فاتح درسعاملر . بن اسکيلي

محمد عاطف



اسلاميت و علوم و فنون

اسلاميتک ظهوريله سهای بشریتده باشقه بر نورانيت
حاصل اولديني هرکسک معلوميدر . وقتاکه اسلاميت
رونقيه پرتو ياش ظهور اولدي ، جهانک هر طرفني
استيلا ايدن کشف کشف جهالت بولوطلري آچيلمغه ،
هر طرف لطيف برنجيلي . نوراني بر اطافته غرق اولغه
باشلادي .

صبح اسلاميتک انفلاقيله دنياک هجري کوشه لرنده
باشايه رق علوم و معارفدن ؛ محاسن و فضائلدن ، انار
عمران و ترقيدن محروم بر قوم نجيب ، آنسرين بر ساحه
نورانيته ، برحيات بخيارانه يه مظهر اولوب انسانيتک
تمثال منوري ، علوم و فنونک خادم يکانه سي ، بتون عالم
بشريتک مابه الفخرو مباهاتي اولدقلريني واضح بر
صورته اثباته موفق اولديلر .

اوت . . . اسلاميت نورلري عربستان افقلريني
بالديزلر ايچنده براقفه باشلاديني ، جزيره العرب خطه
لطيفه سنه نشر ايتديکي معالي ، افاضه ايتديکي فضائل
قالديني بر زمانده قوم نجيب عرب ، اوکنله معظمه اسلاميه
سماوي بر کتاب حکيمک اوامر لاهوتيه سنه تطبيق حرکت
ايدمدرک پارلاق بر مدنيت ، عالي بر حکومت تأسيسنه ابتدار
ايتديلر . بو عالي حکومت بر سرعت برقيه ايله توسيع
دائرة نفوذ ايدمدرک بتون شرق و غربني نورلر ايچنده
براقپور ، بتون اقوام و اممي کوستر مکده اولديني علويه ،

باغلاشمش اولديني ايچون حقيقتي کوروبده منتصح اوله .
ميورلر . مصريلر ، هنديلر ، تونسيلر ، جزايريلر
اخلاق و عادات شرعيه ، مدنيت و ملت اسلاميه برينه
کان و شرف زعم ايدمدرک آوروپانک رزالت و سفاهتني
قبول ايدمدرک کبي بزم عثمانلي مسلمانلري دخی اخلاقسز .
لقد و آوروپانک عادات رزيله و اخلاق سفيله سني
تقليدده مساهه ايدميورلر . ميخانه لر ، کرخانه لر ، تياترولر
واسطه سيله آوروپانک اخلاق قبيحه ، عادات رزيله سني
ممالك اسلاميه ده نشر ايدمدرک بين الاسلام بر نبذه
باقی قالمش اولان اخلاق دينيه ، مدنيت و ملت اسلاميه يني
دخی محو ايتمکه چالشورلر .

بو قاريدن بري عرض ايلديکم بونجه اخلاق و عادات
متضاده ايله متصف اولان اقوام يکديگر ليله اتحاد ايدمدرک
بر برلريني تحکيم و تقويه ايتمک شويله طورسون فرصت
بولدجه بر برلرينک محو و هلاک کنه چالشه جقلري طبعيدير .
ايشته بو يوزدن جناب پيغمبر ذیشان افندمن طرفندن
وضع و تأسيس اولوب خلفای راشدين دورلرينک نهايته
قدر کمال متانتله دوام ايلين اتحاد اسلام اساس . بجهله سي پارچه .
لهرق اسلاملر قوت و سطوتلريني ضايع ايتمشلر و حقير
وذليل اوله رق اعدانک اسارتی التده قالمشلردر .

ای اسلاملر ! دنياده دوچار اولديمکيز شو ذات
و حقارتدن قورتلقي ، اقوام سائره کبي سز دخی
وارلفکيزي عالمه طانيتدبرمق و آخرته سعادت عظمايه
نايل اولمق ايتيرسه کيز اخلاق نقطه نظرندن اتحاد ايدمکيز ،
دين جليل اسلامک وضع ايلديکي عادات حسنه و اخلاق
قرآنيه ايله متخلق اولمکيز . ايشته او زمان يينکيزده
اتحاد تام حصوله کاور ، بونک نمره حسنه سي اوله رقده
بالضروره يکديگر لريکيزه معين ظهير اولوب دوچار اولد .
يغکيز شو ذلت و حقارتدن خلاص اولورسکيز .

بوقسه متصف بولنديمکيز اخلاف قبيحه ، عادات